

30.2 KISWAHILI (102) MWONGOZO WA KUSAHIHISHIA



MANYAM FRANCHISE
Discover! Learn! Apply!

30.2.1 Kiswahili Karatasi ya 1 (102/1)

1. Mtahiniwa azingatie muundo wa insha ya wasifu.

Mtahiniwa anahitajika kuandika mambo muhimu yanayohusiana na elimu. Ahakikishe kuwa yanayowasilishwa ni mambo chanya. Mfano wa hoja:

- Mwaka wa kuzaliwa na alikozaliwa mhusika.
- Wazazi wake ni akina nani.
- Juhudi za wazazi au wafadhili kumwelimisha.
- Alikosomea na juhudi zake katika elimu.
- Vikwazo/changamoto alizoweza kukabiliana nazo katika elimu yake.
- Ufanisi wake katika elimu ya juu katika Chuo Kikuu.

2. Mtahiniwa aeleze maana ya ufisadi.

Hii ni insha ya maelezo. Mtahiniwa azue hoja na kuzitetea.

Hoja:

- Serikali kubuni asisi tekelezi ya kitaifa ya kampeni dhidi ya ufisadi ambayo huchunguza na kutoa mapendekezo dhidi ya ufisadi.
- Wafisadi kuchukuliwa hatua. Wengi wamefikishwa mahakamani huku maafisa wa umma wanaohusishwa na ufisadi wakifutwa kazi na kisha kufikishwa mahakamani.
- Kuimarisha taasisi za uongozi, haki, sheria na utangamano kupitia kwa mpango wa ufadhili wa GJLOS ambao umejumuisha makundi ya kijamii.
- Kuanzisha halmashauri ya kitaifa ya kutoa ushauri kwa tume ya kupambana na ufisadi ambayo imejumuisha makundi ya kidini, vyama vya wataalamu, sekta ya kibinafsi na ile ya wafanyakazi.
- Tume za Kisheria za kuchunguza kashfa za ufisadi kutumiwa mara kwa mara inapohitajika mathalan Tume ya Samwel Bosire kuchunguza kashfa ya Goldenberg, ile ya Hotel ya Grand Regency n.k.
- Kuanzishwa kwa ofisi ya mchunguzi maalum wa kuşikiliza malalamiko ya umma ambapo umma unaweza kuripoti kuhusu ufisadi.
- Nafasi pana kutolewa kwa wanahabari na umma kuripoti kuhusu ufisidi.
- Elimu ya uraia.
- Kampeni zilizofadhiliwa na serikali zote zikiwa dhidi ya ufisadi – kupitia kwa vyombo vya habari, mabango, vipeperushi.
- Sera ya serikali inayohitaji kila idara au asasi iunde kamati ya kupambana na ufisadi.
- Watumishi wa umma kuhitajika kutangaza utajiri wao.
- Kuhitaji watu wote nchini kutangaza ushuru waliolipa kila mwaka.

3. Hii ni insha ya mjadala

Mtahiniwa azue hoja za kuunga na pia kupinga kauli iliyotolewa. Kisha aonyeshe msimamo wake.

Hoja za Kupinga.

- Lugha zetu za kienyeji ni kielelezo cha utamaduni wetu. Umoja wa kitaifa hauwezi ukapatikana katika mazingira ambayo taifa linatukuza utamaduni wa kigeni.
- Lugha zetu za kwanza ambazo ndizo lugha za kienyeji hutuwezesha kuwa na ukakamavu wa kujieleza, kuwa wabunifu wa kuingiliana na watu wengine kwa wepesi kuliko wale wanaosema lugha ambazo si za awali.
- Hazina ya maadili, ujuzi na hekima ya jamii imo katika utamaduni wao. Utamaduni huu hauwezi ukatenganishwa na lugha. Hivyo kudai kuwa hatupaswi kusema kwa lugha zetu za kwanza ina maana kuwa hazina yote ya maadili yetu pamoja na hekima ya kiasili vitapotea.
- Lugha zetu asilia huwa na msingi bora wa kujifunzia lugha nyingine. Utafiti umedhihirisha kuwa wasemaji bora wa lugha za kigeni ni wale mahiri katika lugha zao asilia.

- Utafiti umedhihirisha kuwa kikwazo kikuu cha umoja wa kitaifa ni mitazamo hasi ambayo inaendelezwa na baadhi ya watu ambao wanaogopa kuwoko kwa umoja huu wala si lugha za kienyeji.

Hoja za kuunga mkono

- Watu wanapoendelea kushikilia lugha zao za kwanza ina maana kuwa hawaachi desturi na tamaduni zao. Twajua kuna migongano na tofauti kubwa kati ya tamaduni tofauti. Katika hali hii inakuwa vigumu kupata utamaduni mmoja unaoweza kuwa ugwe wa kuwaunganisha Wakenya.
- Lugha zetu asilia husheheni mitazamo hasi kuhusu majirani wetu ambao hawatumii lugha moja nasi. Kutupilia mbali lugha hizi na kuchukua lugha moja kama Kiswahili kutatuweshesha kutohoa hisia hasi kwa wenzetu. Katika hali hii, pana uwezekano mkubwa wa kuwa na umoja wa kitaifa.
- Hivi sasa tuna ndoa za asili mbalimbali za lugha. Iwapo tutadai kila mwanandoa aendeleze lugha yake katika ndoa ile tutawakanganya watoto wetu. Wataibukia kukosa mielekeo mizuri.

Msimamo

Ili kuleta umoja wa kitaifa tunahitaji kuchota yaliyo bora kutoka kwa tamaduni zetu na kujenga utamaduni unaoweza kukubalika na kila Mkenya. Kisha tuteue lugha moja ya Kiafrika kama Kiswahili na kuifanya lugha ya maingiliano kati ya Wakenya wote.

4. Hii ni methali

Mtahiniwa aandike kisa kimoja tu kuthibitisha ukweli kwamba lolote mtu alifanyalo watu hawakosi kusema. Kwa hivyo mtu asijali mradi kile anachofanya ni halali.

30.2.2 Kiswahili Karatasi ya 2 (102/2) Mwongozo wa Kusahihishia

1. (a) Kuchungua au kukiangia kipindi cha mahusiano yenyewe.
(b) Kuwa utakuwa uhusiano wa kudumu/utakuwa uhusiano wa muda mrefu.
(c) Huwezesha watu au jamaa walio mbali kuwasiliana/simu au mtandao huwa chanzo au nyenzo muhimu ya kudumisha uhusiano.
(d) Mabadiliko ya mara kwa mara/kuwepo kwa ubinafsi mwingi.
- Uhamaji wa watu kutoka viambo/mitaa yao
- Ufutwaji wa watu kazini na kwa hivyo kutengana na wenzao.
- Ubadilishaji wa kazi.
- Kutotegemeka kwa kazi zenyewe.
- Nguvu na kani za kiuchumi ni nyingi.
- Mifumo ya kisiasa huweza kuathiri maisha.
(e) Uhusiano wa chembechembe/mtu hujihusisha na chembe ndogo ya mwenzake. Mahusiano yanapasa kutawaliwa na hisia za utu, undani – yaani mahusiano yanayogusa nafsi zetu, ya dhati, ya kuwajibika kwa wenzetu na nchi yetu.
(f) (i) Inapingana;
(ii) yamejaa/yametawaliwa na
(iii) vinyume
2. (a) - Maarifa huyadhibiti maisha ya binadamu
- Maarifa ni nguvu muhimu maishani
- Utajiri na maendeleo hutegemea maarifa
- Maarifa hayana upinzani
- Maarifa hayamalizwi kwa kutumiwa na watu tofauti
- Maarifa hayagusiki
zozote 4 x 1=4
ut – 1
(b) - Maarifa huingiliana na maarifa mengine
- Huweza kuchukuliwa kutoka sehemu moja hadi nyingine
- Huweza kuwasilishwa kwa njia ya ishara
- Yana sifa ya uhusianaji
- Huweza kuhifadhiwa katika nafasi ndogo
- Hayawezi kuzuiliwa yasisambae.
zozote 4 x 2=8
Ut -2
(a) au, oa, au (alama 1)
(b) (i) Barabara – sawasawa
Bara bara – njia (alama 2)
(c) Abiria walisafiri kwa ndege (alama 1)
(d) (i) Mkongwe – Kivumishi jina (alama 2)
(ii) Hodari – Kivumishi cha sifa (alama 2)
(e) Ungeacha masomo, ungetaabika vile. (alama 1)
(f) Mifano ya sentensi:
(i) Kenya ilinyakua nishani **lukuki**
(ii) Ali alikariri mashairi **kimanju** (alama 2)
(g) -Shamirisho – kazi
-Chagizo – haraka ipasavyo (alama 2)

- (h) -Amletee mbuzi mnyama
-Amletee mbuzi kifaa cha kukunia nazi (alama 2)
- (i) Mfano wa sentensi: Usingizi umemlelea sana (alama 2)
- (j) Mwanamazingira alituhimiza kuungana mikono wakubwa kwa wadogo, wanaume kwa wanawake kusafisha mito yetu ambayo ilikuwa imechafuka sana. (alama 3)

3. (k) (i) Mistari:
KN(N) + KT(T+N)
- (ii) Mishale:
S \longrightarrow KN + KT
KN - N
N - Amina, Mustafa
KT - TN + N
T - huimba
N - taarabu

*Sahihisha aina moja pekee ya uchanganuzi. (alama 4)

- (l) (i) **Ku** katika sikumwelewa ni kiwakilishi cha wakati katika hali kanushi.
(ii) **Ku** Katika **kuwatunza** ni ya ngeli ya kitenzi - nomino (alama 2)
- (m) Mfano wa sentensi: Chakula kimeliwa (alama 2)

- (n) (i) Angetaka ni kitenzi kisaidizi ambacho kimebeba dhana ya wakati.
(ii) Kupalilia ni kitenzi kikuu au halisi ambacho kinaendeleza maana kuu ya sentensi. (hoja 2 x 2=alama 4)

- (o) t- Chepesi (sighuna)
d- nzito (ghuna)
Kutaja 2 x 1 =2
Tofauti 2 x 1 =2 (jumla=alama 4)

- (p) (i) (a) Kuonyesha/kuashiria kutua au kupumzika katika sentensi ndefu.
(b) Kuunga sentensi mbili au vishazi viwili vinavyoweza kusimama huru.
(c) Kabla ya maneno ya kutolea ufafanuzi
(d) Katika sentensi ambapo kuna orodha hiyo
Tanb: Anaweza kutoa mifano au maelezo tu. (alama 3)

- (ii) Herufi kubwa:
1) Mwanzoni mwa sentensi
2) Kuandika majina maalum/nomino za pekee
3) Kuandika majina ya siku, mwezi au mwaka
4) Kuandika anwani ya kitabu/makala/kuanzia kila neno muhimu.
Katika anwani k.m Mayai Waziri ...
5) Kuandika vifupi vya maneno na akronimu k.m S.L.P, UKIMWI
yoyote 1x 1=1

- (iii) Kishangao: (alama ya hisi)
1) Kuonyesha hisia (furaha, huzuni, mshtuko)
2) Kuonyesha amri au sharuti. yoyote 1 x 1=1

4. ISIMUJAMII

- (a) Sajili ya hospitalini/sajili ya matibabu. Mazungumzo yanayopatikana katika muktadha wa hospitali.
- (b) (i) Matumizi ya msamiati maalum - magonjwa, mkamba, maradhi, pimajoto, udodosi n.k.
(ii) Mwelekeo wa kuchanganya ndimi na kuhamisha ndimi.
(iii) Sifa ya kuwarejelea wanaohusika kwa kutaja vyeo vyao ... Dkt... Muuguzi... au mgonjwa badala ya kutaja jina/majina yao.
(iv) Kuchanganya lugha na ishara au alama, kwa mfano 1 x 3 (tembe moja mara tatu).

- (v) Matumizi ya lugha ya kilatini – hasa wakati wa kurejelea taaluma au mapana maalum.
- (vi) Matumizi ya vifupisho kwa mapana kwa mfano CD4, TB, VVC
- (vii) Kuwepo kwa msimbo maalum/mwelekeo wa kutumia msamiati au maelezo tofauti na lugha ya kawaida. Kwa mfano mgonjwa huyu afanyiwe ‘Elisa test’ badala ya mgonjwa huyu apimwe maradhi ya ukimwi kwa kutumia kipimo cha Elisa.”

30.2.3 Kiswahili Karatasi ya 3 (102/3) Mwongozo wa Kusahihishia

1. (a) -Kufungwa
-Kunyimwa uhuru
-Alipofungwa pameharibika
-Angependa kuhama lakini hawezi
-Kuna majani mengi mbele yake lakini hawezi kuyafikia zozote $4 \times 1 = 4$
- (b) amekwisha zoea hali yaki
-Hapendi kuonekana tofauti. Hataki kuukosa utu kwa sababu amefungwa katika kamba ya utu. $2 \times 1 = 2$
- (c) Ni dhamiri katika nafsi yake ambayo ameshikilia ambayo haionekani kwa macho ndiyo iliyomfunga (alama 2)
- (d) (i) Tashbihi -kama mbuzi
-Kama mbwa
(ii) Istiari/sitiari -Sahani ya mbingu, kamba isiyoonekana
Kutaja- 1
Kutoa mfano- 1
(iii) Tasfida - Nimekwishapachafua Zozote $2 \times 2 = 4$
- (e) Mishata: Mishororo ambayo maana yake inakamilika katika mshororo unaofuata
Mf: Nami kwa mbaya bahati, katika uhuru kupigania kamba ni fupi na nimekwishachora duara.
Nami kwa mbaya bahati, katika Uhuru kupigania, Sahani ya mbingu
Nimeipiga teke na niigusapo kwa mdomo
Mbali zaidi inakwenda na siwezi tena
Nami sasa sitaki ikatike maana
Mbuzi wa kamba alipofunguliwa, mashamba
- 4 (f) Nimefungwa kama mbwa na kwa bahati mbaya katika kutaka kuondoka pale nimeipiga teke sahani ya mbingu ambayo imeenda mbele na siwezi kuifikia.
Na pale nilipofungwa ni pachafu ila siwezi kupatoka.
2. (a) - Haya ni maneno ya Kazija
- Anamwambia Makuudi
- Wamo nyumbani kwa Kazija
- Makuudi amekuja kumtembelea Kazija na kumfumania Mussa ambaye pia amekuja kumfuata Kazija
- Makuudi amepiga Mussa. Mussa ametoroka
- Makuudi amemwambia kazija kuwa yeye kazija si mwanamke,

ndipo Kazija anamwambia maksuudi maneno haya.

Hoja: 4 x 1=4

(b) (i) MAIMUNA

- Maksuudi amemzia kuufahamu ulimwengu halisi
- Alimnyima uhuru wa kuamua
- Alimtawisha kwa muda mrefu
- Alimlea kikatili
- Anamnyima elimu – anamsomeshea ndani
- Kelele zake zilimzuia kufurahia mazingira shwari
- Anamtesa kisaikolojia kwa kumtesa mamake – Tamima

(ii) TAMIMA

- Anamsaaliti kimapenzi kwa kushirikiana kimapenzi na Kazija/kusini, na Kazija
- Anamnyima uhuru wa kufurahia maisha ya ndoa – anamtusi akimwita paka.
- Alimnyima haki za binadamu kama huduma za daktari au mkunga anamkataza mkunga kuingia nyumbani mwake
- Anamwonyesha dhuluma, ukatili na hamaki – km alimpiga na kumjeruhi vibaya punde baada ya kujifungua.
- Alimtaliki bila sababu na bila kuzingatia utaratibu
- Alimfukuza usiku
- Alimzuia kufanya kazi ya ajira
- Alimnyang'anya kitoto kichanga
- Anamtawisha/anamfungia nyumbani
- Anamwacha akiwa karibu kujingua na kukaa kwa Kazija kwa Juma moja.

(iii) KAZIJA

- Maksuudi na viongozi wengine wanawanyima Kazija na wanawake wengine nafasi katika elimu.
- Anamtumia kama chombo cha starehe
- Anamdhulumu shoga yake Farashuu
- Anamdhalilisha kwa kumuuliza 'wewe ni nani'?

(iv) BITI KOCHO

- Alimdunisha
- Alimdharau
- Alimtumikisha vibaya
- Alimtisha
- Alimtusi
- Alimlipa mshahara mdogo
- Alimwachisha kazi ati kwa kosa la kumtetea Tamima
- Alimfukuza usiku.

(v) MWANASURURU

- Anamnyang'anya mali aliyoachiwa na babake
- Anamfanyia unafiki. Anamwoa kwa kutaka mali yake na kumfanya kuingilia ukahaba
- Alimtaliki baada ya kumhaini
- Alimpiga

Mifano 4 na maelezo yake x 4=16

3. A. Uzungumzinafsi hutokea ambapo mhusika anazungumza mwenyewe kwa mwenyewe au kimoyo moyo.

- (i) Kazija anaposubiri kuja kwa Mussa na Makuudi nyumbani kwake. Anajisemea: "Huogopi mwanamke we! "Toka lini hata leo iwe ya pili." Labda si Kazija." Uzungumzi huu unadhihirisha azma ya Kazija na ujasiri/ukaili wa kutekeleza mpango wa Farashuu kuwafanya mtu na mwanawe kufumainiana nyumbani kwake. Jambo hili linasababisha kutengana kwa Makuudi na mwanawe Mussa na matukio mengine yote katika riwaya.
- (ii) Makuudi anapojisemea kwa kinywa kipana "mabadiliko....! Mwandishi ametumia mbinu hii kutubainisha hali ambapo Makuudi anajutia matendo yake na yuko tayari kubadilika.
- (iii) Makuudi anapojiuliza "Lusu! Nani Lusu? Lusu Tamima au Makuudi?" mwenyewe?" Anajiuliza maswali haya akiwa shambani mdhaifu wa afya baada ya kutoka hospitali. Makuudi anakiri makosa yake na kujutia matendo yake yaliyosababisha matatizo yaliyomkabili.
- (iv) Makuudi anaposema: "La, La, la, la... nitakwenda kuwatafuta wanangu katika uhai wangu uliobaki." Uzungumzaji huu unaashiria mabadiliko katika maisha ya Makuudi na kusisitiza azma ya kuwatafuta wanawe. Jambo hili linaendeleza kadhia kufikia kilele/linaonyesha uwajibikaji wa Makuudi.

Maelezo ya uzungumzi nafsi (alama 2)

Hoja zozote 4 x 2=8

B. TASWIRA

Taswira ni **picha inayojitokeza akilini mwa mtu anaposoma maandishi, anaposikiliza au kutazama jambo/mtu fulani.**

- (i) Maelezo kumhusu Kazija yanayobainisha urembo wake wa kuvutia ambao unawavuta Mussa na Makuudi na hatimaye kuwaponza na kuwatenganisha.
 - (ii) Maelezo kuhusu jumba la Makuudi la kifahari lililopambwa kwa mapambo kutoka ulaya yalipopatikana kutokana na shughuli za magendo. Maelezo haya yanadokezea maovu ya Makuudi na matendo yake hasa ya kuwatawisha mkewe na mtoto na kuwadhulumu wafanya kazi.
 - (iii) Taswira aliyokuwa nayo Biti Sururu ya maumbile ya Maimuna. Maelezo haya yanaonyesha kuwa urembo wa Maimuna ulikuwa umeanza kuchujuka na hivyo kutishia chanzo cha kipato chake. Wakati ulikuwa umefika wa yeye kutafakari hatua nyingine.
 - (iv) Maelezo kuhusu Mussa pale alipokuwa mvunguni nyumbani kwa Kazija na vile alivyohisi akisikiliza mazungumzo kati ya Kazija na Makuudi.
 - (v) Taswira ya pale hotelini Rumbalola, yale maelezo hasa wakati Bw. Makuudi anatokea akijikokota kumsongea Maimuna kwa furaha ya uwezekano wa kumpata mwanawe lakini Maimuna awakimbia kuzidisha utengano wao.
 - (vi) Taswira ya kipigo cha Tamima kutoka kwa makuudi – kuonyesha ukatili wa Makuudi.
 - (vii) Umbo/picha la tambo la Biti Kocho – kuonyesha ujasiri wake.
 - (viii) Maelezo kuhusu **madongoporomoka** nyumba ya Farashuu na vibanda vinavyoizunguka kuonyesha utabaka.
- Mtahiniwa ajadili mambo yanayoashiria/yanayopelekea kuanguka kwa utawala/juhudi za wanyonge kujikomboa/nyenzo zinozotumiwa na watawala kujidumisha mamlakani.

4. - Raia kususia mkutano wa Mtemi.
 - Utawala kuanza kuwashuku raia na kuwasingizia mambo k.v. Mwelusi kusingiziwa kuchochea watu.
 - Washauri kutowajibika huku wakisema uongo kwa Mtemi Bokono
 - Manunguniko ya raia kuongezeka – k.m.dhidi ya kunyakuliwa kwa bonde la Ilangi.
 - Vitisho vya watawala kwa wale wanaofikiriwa kuwa wanawachochea wananchi.
- Wasiwasi wa Bokono unaompelekea kupata majinamizi
 - Viongozi kuharibu mazingira
 - Matusi, ukatili, mateso na dhuluma ya watawala kwa raia k.m. Mwelusi jerezani
 - Tendo la kuwaweka wananchi kizuizini – k.m. Mwelusi
 - Propaganda
 - Kuwajaza raia woga
 - Bokono kupuuza ushauri wa Nyalwe
 - Kuwalazimisha raia kutangaza uzalendo wao. Km Mwelusi kuambiwa aseme “Wapenda uongozi wa mtukufu Mtemi Bokono”.
 - Tenga tawala
 - Kutokuwepo uelewano baina ya askari na hali kadhalika viongozi
 - Utawala kuwatenganisha raia na jamaa. – Tanya kutoruhusiwa kumwona Mwelusi
 - Andua, Atega – kuteka maji
 - Kuimarishwa kwa shughuli za upelelezi.
 - Watu kukaidi amri kama vile kuteka maji kisimani – Mwelusi, Andua, Atega kuteka maji
 - Askari kupuuza amri ya kushambulia waandamanaji
 - Tanya kutomwambia Batu aliko Mwelusi
 - Raia kutolipwa kwa huduma watoazo – Mbutwe
 - Mauaji ya Mwelusi yanapelekea kuwapo maandamano yanayomng’oa Bokono uongozini.

zozote 10 x 2=20

Kutaja -1

Mfano -1

5. (a) - Nyalwe anazungumza na mumewe Mtemi Bokono.
 - Wamo nyumbani/makao ya utawala.
 - Anamdadisi kutambua ni ninikinachomsumbua.
 - Anamweleza maneno aliyoyasema akiwa usingizini.
- au**
- Haya ni maneno ya Bokono – akiwa usingizini.
 - Nyalwe anayakariri maneno haya kwa Bokono
 - Wamo nyumbani/makao ya utawala
 - Nyalwe amemwonya Bokono kuhusu uongozi mbaya
 - Anamwambia Bokono ana wasiwasi wa kuondolewa mamlakani, ndipo anaota akizikwa akiwa hai.
- (b) (i) Litifati: Mbinu ya kuyanukuu maneno yaliyotamkwa au yaliyosemwa na mtu mwingine. Nyalwe anayanukuu maneno ya Mtemi Bokono.
 (ii) Sitiari: Ulinganishi usiokuwa wa moja kwa moja. Shida na matatizo/hofu ya Mtemi Bokono kulinganishwa na kaburi.
 (iii) Kinaya: Mbinu ya kusema kinyume au hali kuwa kinyume na ukweli/ Mtemi Bokono ndiye anayetesa si anayeteswa/Bakono anataka kuondolewa na hali yeye anatesa.

- (c) - Mtahiniwa aonyeshe kinyume na matarajio/mambo yanayofanywa kinyume na hali inayotarajiwa.
- Utawala wa Mtemi Bokono unawatesa raia na nchi yake – kuwanyima rasilimali - maji.
- Viongozi wanatumia nafasi zao kujiendeleza – ardhi ya watoto ya kuchezea inapewa Askari Mkuu.
- Askari polisi wanawatesa raia – Mwelusi anapigwa na Talui/Mweke
- Wafungwa kunyimwa haki ya kutembelewa – Mwelusi – haruhusiwi kuonekana na Tanya.
- Raia wanalazimishwa kuhudhuria mikutano ya Mtemi Bokono.
- Raia hawana uhuru wa kumkosoa Mtemi Bokono.
- Viongozi kuharibu mazingira.
- Viongozi wanawapiganisha raia/wanachoma nyumba zao ili wapigane – Balusi/Batui
- Mtemi Bokono anajiona/anajielezea kiongozi aliyeteuliwa na Mungu
- Washauri kutomkosoa Bokono
- Utawala kuwalinda wahalifu – Askari II na kikosi hawaulizwi chochote baada ya kumuua mtuhumiwa.
- Raia kutolipwa kwa huduma.
- Askari III na II kula chakula cha mfungwa.
- Matumizi ya propaganda – Batu/Zigu kutaka kumuua Mwelusi na kutangaza kuwa amekufa kwa ugonjwa wa moyo.
- Gege kumuua Mwelusi
- Viongozi kuwatelekeza baadhi ya raia katika njaa na umaskini
- Askari III kujaribu kumnyanyasa Andua kimapenzi – anataka kumshika kifua.
- Bokono kuwa anarudi nyuma badala ya kupevuka katika uongozi.
- Nyalwe anaigiza Bokono akirudi kutoka makamo – ujana – utoto kijusi tumboni mwa mama.
6. (a) Kauli hii inatolewa na Mzee Atanasi alipokuwa njiani kutoka ofisini kwa mwalimu mkuu. Huku akiwaza, alikuwa amefika ofisini kuitikia mwito wa mwalimu mkuu. Katika mazungumzo mwalimu mkuu alimfahamisha Atanasi kubadilika kwa tabia ya mwanawe Nandwa. Mwalimu alimwomba ajaribu kumchunguza mwanawe na kusema naye ili kufahamu tatizo lake maana walimu walikuwa wameshindwa. Jambo hili lilimfanya Atanasi kuwaza mengi. (alama 4)
- (b) Anayerejelewa ni Nanda mwanawe mzee Atanasi.
- Tatizo lake lilikuwa kubadilika kwa tabia kutokana na uvutaji bangi. (alama 2)
- Vitendo vya Nanda
- Kufika shuleni amechelewa
- Ulegevu
- Kusinzia darasani
- Kukosa kuzingatia usafi, kutochana nywele
- Kudorora kwa matokeo kwenye mtihani
- Kuboboja darasani
- Kupata majinamizi
- Kubumburuka usingizini na kupiga mayowe
- 4 x 1=alama 4
- (c) Mzee Atanasi aliamini kuwa mwanawe amerogwa na jirani yake Nanda. Aliazimia pia kutafuta msaada wa waganga maarufu.

- (d) (i) Malezi yasiyofaa
-Mzee Atanasi babake
-Kwa kutopata muda wa kukaa na kumchunguza mwanawe
-Alimhusu Nanda kupata ajira
- (ii) Tamaa – Mzee Makulu – mwenye duka
Ndiye aliyempa Nanda kazi ya kuchuuza bangi na kumshawishi kuvuta
- (iii) Unafiki – alimficha Mzee Atanasi ukweli kuhusu hali ya mwanawe.
- (iv) Kukosa mapenzi ya mama.
Mama Nanda – Mchuuzi wa samaki
Hakupata nafasi au muda wa kukaa na kumshauri mwanawe.
- (v) Hali ya umaskini ambayo ilimpelekea mtoto Nanda kuwa mhitaji hadi akatafuta ajira.

3 x 2=6

7. Mtahiniwa anahitajika kuonyesha kufanana kwa vipera hivi na vile vile kutofautiana kwake.

Majibu

Kufanana

- (i) Vyote ni vipera vya semi katika fasihi simulizi
- (ii) Zote ni kauli fupifupi ambazo hutoa ujumbe kwa kutumia taswira au picha
Km kitendawili nyumba yangu haina mlango
Hapa tunaingiwa na taswira ya nyumba isiyo na mlango
Methali: Mtoto akibebwa, hutazama kisogo cha mamake
Inapotajwa methali hii, tunaona picha ya mtoto aliyebewa akitazama kisogo cha mamake
- (iii) Vyote huweza kutumia lugha ya mafumbo km kitendawili
Methali: Uvivu ni nyumba ya ajizi.
- (iv) Vyote huchota kutoka mazingira au jamii husika. Hutumika kutekeleza majukumu yanayofanana. Mathalan vyote hutumika kuelimisha wanajamii, kuburudisha na pia kuendeleza utamaduni wa jamii.
zozote 5 x 2=10

Tofauti

- (i) Aghalabu methali huwa na muundo wenye vipande viwili. Kipande cha kwanza huwa ni kauli ambayo hukamilishwa na kipande cha pili. Km Fahali wawili wapiganapo, nyasi ndizi huumia.
- (ii) Methali huwa ni kauli nzito ambazo mara nyingi hazibadilikibadiliki.
- (iii) Methali huweza kutumia tamathali nyingi za lugha kuliko vitendawili;
Km. Waweza kutumia tashihisi km Chui naye ana mke pia
Takriri: Haba na haba, hujaza kibaba.
- (iv) Kimaudhui, methali huwa na maana ya juu juu na maana ya ndani
Vitendawili huwa na maana hiyo moja.
- (v) Vitendawili huwa na fomula maalum ya uwasilishaji. Pana anayetega na anayetakiwa kutegua.
- (vi) Vitendawili hubadilika badilika kutegemea mazingira au mpito wa wakati.
- (vii) Dhima ya vitendawili si pana sana kama ya methali.
- (viii) Methali huhusisha mtu mmoja lakini vitendawili huhusisha wawili au zaidi.
zozote 5 x 2=10